

新刊國朝二百家名賢文粹

新刊 國朝二百家名賢文粹卷第七十七

書

上皇帝書十

二皇帝十事書

觀堂老人

臣世出潁昌陽翟之籍自西南來有見天地順豫日月清明挈
提妻孥觀光上國啓行之日親友舉酒相屬曰見而不言或言
而不盡無入吾邑且飲其酒受其言報曰不敢既至國門陛下
過聽力臣使入侍見之日天語垂賁一言千鈞臣實不任有此
大惠感極涕霑實繼蒙除吏上庠待罪策府恩紀頻煩重以夙志
抱二宜言年今三十矣忝忝俯首日就鋪啜老病有期趣去無
幾常恐卒爲仁人義夫之所指笑孤負聖世汗辱善類墮其先
人昔者國之有大事外朝以聽下至庶士皆得預議非獨盡
小大之情防偏徇之見所以示憂恤安遠迹也恭惟陛下嚴恭

黃畏實勤實勞居百王之先富貴崇高自奉自養處衆人之後
方且宵旰惟懷永圖計安天下憂見顏色有君如此誰忍負之
臣儻有重於言以諱爲解茲謂自誣吾君皇天后土去人不遠
臣罪莫逃是用妄發以復前語臣誠惶誠恐死罪死罪謹列十
事冒犯神威其一曰明主勢臣非謂是闔闢慘苛有未至也伏
以人主之勢與凡人異經曰王言如絲其出如綸王言如綸其
出如縛非繆語也天下仰望人主尊崇如天上帝界付人主親
信如子天之命畏不敢逃子之欲愛不忍拂況命之義欲之正
此言果可如影響舉意果可如蓄龜甚順甚利甚敏甚捷豈若
凡人左右經營終日籌度常憂不濟自古帝王出令諄復常亦
慮其不諧不知謀之苟臧持之苟確金石爲開鬼神爲辟匹夫
庶士一言一行暫中機會卿相可折三軍可却況乎人主擁天
地神靈之佑席祖宗社稷之慶挾公卿大夫之助倚百姓愛戴
之情何況而不遂何求而不成臣愚誠見陛下盛德謙抑久而

若未遑救故不勝懇款首願以此爲贊也其二曰起士氣士大夫不患無才而患其才無所發不患無智而患其智匿伏而不肯見今雍熙禹蹈爲何等時士風奄奄至此臣實憂之臣之所憂不在無事之時而在緩急使人之際不在緩急使人之際而在倉卒不可收攝控御之日於此而後君子小人之天出矣今年三月于五月面對之章曰常略爲陛下及此不知聖主頗憶之否士風脂韋汨沒非適今茲稠人廣衆稍自激昂已蒙側目旋得機刺指爲好名或曰沽激又曰狂狷夫士之自待誠不得指此以爲封疆至於上之人以厲世磨鈍實宜用是以爲砥礪陛下幸觀生民以來無欲而好仁一出幾輩臣常論之彼好名則必畏物議彼沽激則必強爲善彼狂狷雖非中道必不肯潛塞自愛坐視人疾設更猥引其辜當以出位則是匍匐入井之子非不親戚皆可無救而謂宜也無乃亦將悔之況今日之病對證用藥雅宜在此臣吏國事自諸生有玉質者爲臣言亦同此憂質之言曰今

人便憂焚用介直激爲狂怪正似病癢之人未能起立已遽憂其脫突不已不五十年後此話不可出也斯言有理且每奇之乃今得爲聖主誦之其三曰辨國勢傳曰師克在和不在衆老子曰抗兵相加則哀者勝此言得道之與失道而愛人之与害人也使自古及今天道有兩人情或二斯言毋從不然且見此事數數似日星耳今者人間凶凶多言長人築室河南勢焰逼近將生大憂此固不可不慮然巨聞之涉江海者忘水之危而後見水巨愚願爲陛下一言虜之不必畏者三國時劉備用蜀孫權用吳號爲懷臂以抗曹氏其實陽合陰離一國而含三憂孰与今日東西万里父子一家均攻共守不俟結約此不必畏一也曹操陰狡多謀善撫士卒兵鋒所至如割管葦以彼較操疇能及之此不必畏二也夫以區區煨燼之漢威靈殘闇之余元德宗室疎屬猶能竿操而奪之氣孰与國家一祖七宗德澤在人陛下恭儉勞謙約以利世虛心求治信順所格遇籍多矣

此不必畏三也或曰士卒久墮將帥久逸何如國家初度江時
華人統之臨以公平結以恩信義勇所激化羣爲疆此不必畏
四也獨財用一事誠以塵塵臣亦以爲勿憂之過祖宗得天下
收版圖幾何南征北伐未聞以財爲恨何者物不妄費故供者
無愁急而後取故知者必察天下皆知爲已取爲已費也今無
事故已設有所營雖使卜式輸半家之財蕭何調關中之食以
佐縣官無不可矣巨臣窺陛下清淨無欲深居法宮不事宴遊
讀書點字之外無他帝王者好一分以義制心道之至難陛下
親以其身踐之如席肯復更爲他人徒有橫費天下亦知國家
惟正之供孰不欣然赴義如渴此不足畏五也乃若人間之憂
殆亦有故治乎既又如道行之方息美蔭勸之命駕意必不樂
既行之後有何大苦陛下天下之心也莊子曰一心定而万物
服天下猶陛下之室家也詩曰錙則劬勞其究安宅臣不勝區
區願君父寬而圖之其四曰廣信任臣聞國之用材猶鑿之用

藥柳瀉相資得良相持畏惡相制服之惟安乃久無患未有反
此而無過者漢高帝曰王陵少戇其以陳平助之又疑平詐復
曰其以周勃鎮之此合三物成一劑也施之異日果如其言太
祖皇帝兼用曹彬潘美聖度正如此耳蓋蓋梅水火交濟之外
又有三物一則方事之虞不畏則驕必圖所以能督之者二則
賜鳩之愛固欲其均一也三則方有不諱即有可代之人唐憲
宗時以高崇文代劉闢外受命而已出師可謂忠矣杜黃裳猶
慮之使人謂崇文戰若不力當以劉闢代公於是泄為崇文所
憚一戰禽闢夫豈嘗謂崇文之不忠也平日可保猶當慮其見
險而倖有功則驕當預有以制之此昔人更事多處也賈復與
光武有河北周旋之舊恩許婚姻天下大事惟鄧禹李通與復
三人得與參決其寵劇矣殆復以私怨睥睨寇恂光武正色責
以大義復固懌懌敢不頓首奉命惟謹然則侍衛功臣均其眷
用惟我所欲剛明一奮誰敢不承詩曰一矛重弓說者以為備

折毀也器械資生之具今人尚儲其副以爲備豫況於人材可
復求之一旦倉卒之間古人問後問繼多於平常從容之時不
以爲惡忠臣義士亦有舉親舉諸之對二者深爲杜稷之計然
也臣願陛下推二祖參用人材之方考光武兼制寇賈二子之
義察古人問後問繼之意衆建其曹以相臨攝各令薦引庶萃
一門孰爲可以大用孰爲可以兼收孰長推鋒孰善堅壁優於
策者何人勇於闢者何校必出公議實可厭衆一才一枝俾具
所知實迹以聞陛下大則參以朝廷群臣之論次則採以來覲
送對遠迹之評然後召見便殿親加物色賜以展展以其所聞
驗以所見審如薦語隨宜用之此祖宗覽收威權駕御將帥親
得其人使歸心人主之術也至於可代大將一事臣夙夜念之
竊冒最宜注意今侍衛爪牙不無老宿陛下日所親見不待臣
言自蜀來聞吳璘多病日服金石二三百粒其兄玠爲方士所
誤今璘又臨其轍田師中亦既且老劉錡文武忠謹老翁稚子

聞名皆喜聞其年兒皆有憂色今六十餘矣近亦大病瀕死此數人者陛下豈可不預爲之謀陛下不以臣言爲過願下明詔凡稱大將使如今之侍從少增其負舉自代三人或更多不禁以備採訪審擇此誠當今之急務臣不勝拳拳望陛下圖之其五曰不好惡臣聞之記曰下之事上不從其令從其所行上好是物下必有其焉者矣故曰好賢如緇衣言其願爲之製衣願爲之受祭友復篤至勤懇之甚也曰惡惡如巷伯言其欲投之豺虎欲投之有北欲投之有吳掃除讎艾息滅之至也以爲不如此賢者將有蘊而不敢尽小人縲結扞格者終不能禁故古之以君見一善必喜之必用之又從勤勤稱道以昭明之使天下咸知吾之所好者在是也見一不善必怒之必去之又從而誅誚沮抑以暴揚之使天下咸知吾之所惡者在是也好惡已明而後天下之心有所係着善者益以善而不善者亦將革矣易以是上之所欲人情願得用焉稱道而不願得踈斥暴揚其

遷臍然也臣雖賤且疎妄有以知陛下所好必忠直所惡必佞
邪所好必剛勤所惡必怠弛所好必利人所惡必暴物所好必
公方所惡必私徇所好必忠厚所惡必刻薄所好必孤立所惡
必朋邪所好必自守所惡必交通所好必自坦塗中來所惡必
由隱闇中入臣愚不知大夫士何用不察聖意裴徊俟望且前
且却若有所畏而不敢近恭惟陛下膺受大寶于今幾年何嘗
聞以忠鯁輕咎一士大夫士其忍妄量吾君至此可不可也雖
然子之不肖父母宜憇憐而教道之此在陛下而足彼能有所
陳也臣願陛下少加詳複以盡其意徑有不敢也臣願陛下特賜
發以開其端使各以所聞敷奏於前陛下因其所能明試於後
正邪忠佞入陛下衡石尺度之中不差一毫芒矣然後隨其美
惡暴之揚之使天下了然皆悉盛大之指所在孰不自竭以盡
其能書曰主播告之脩不匿厥指荀子曰主道利宣不利周此
言陛下幸海中一漚沫也其六曰核總覽比數年來陛下益爲

勵精躬覽庶政進退人材皆自上出一時人物森布朝廷天下
歌舞之臣猶敢區區復為陛下謀其將來誠出於憂不敢為妄
臣仰觀陛下受皇天之所眷佑實以聖子起自艱難貞之少
康商之高宗漢之宣帝異轍同羈勒所至人之情偽物之機括
變化隱顯莫不周知是以作其即位大明一照幽部畢出加以
天資恭儉慈愛知人疾苦虛心聽納人用展盡樂於一聞事無
巨細指圖觀象了了不欺施之總覽何道不臧是以一時人物
不試可用以其周旋險阻之時諳之素也中更茲人此事幾虜
虜者陛下大明黜陟竄陞數回收召逐客所用固多曩時亮直
得過薛夫之人烈火既試玉石誠驗陛下收而攻之雕勦藻藉
隨持器使總覽之道誠恢恢矣臣所謂願為陛下議其將來者
良以世事無盡人材有時今者陛下夙駕而朝鳴蹕而入人士
淫浪班列自序自外初來者不過一觀奉清光於頃刻之際在
內迭見者動踰晷生應故事於一二之割精神惘惘未甚交孚

蓋已蹴踏趨出矣賢者未見顏色於何敢盡不當者畢喟而畏縮諒不得發陛下慈恩抑又過護臣下不欲窮其不能臣恐日復一日君臣父子之際情意不接人料事類陛下尚安得一二於熟之子雖陛下閱人良多立談之間可以了其平生臣愚以爲終未若至其詳之之愈也孔子語觀人之證有九曰遠使而觀其忠近使而觀其謹煩使而觀其能卒然問焉而觀其智急當之期而觀其信委之以財而觀其仁告之以危而觀其節醉之以酒而觀其財雜之以處而觀其色艱難詳謹喋喋如此古人有言曰勞於求賢逸於任使此言精矣臣願併以此獻惟陛下圖之其七日懲俗習昌聞俗習之移人如薰猶之相染佩劍之相笑悟者已厭而來脫昧者方執而不辭誠如詔旨所謂恬置而不知怪者臣敢因聖言而遂廣之又尊子卑生民以求天下之通義也秦人乃始亂之惟知分守而已王漢不革故或者教大公爲上擁彗却行此猶有所爲也霍生六病初生於外不知

父歿後始相見父至扶服叩頭謂去病曰老臣得託命將軍此
天力也一票驕將能使其父卑賤至此蓋當時佞俗相傳自謂
當然而不怪也死者人之所畏也黨事起東京人有初非劉黨
妄自投名其中求以爲榮亦庸俗相摩散艷而不自知畏尔今
四方之俗滅裂因循甚矣皆以爲宜而莫知也群臣族處出一
論議擬一興作稍涉殊異必大疑沮循常守舊因陋就寡之人
居然無瑕中間得無負志之士知此爲非及當其身忽又忘去
此無他結習非一日克己之私而復于禮者難也臣嘗私語同
類吾人宜少自開拓漸令宏大共爲國家收集古意夫豈他求
庶幾可以任重可以容物可以瞻大義而不奪可以當變事而
敢應可以消忌媚之私可以制去就之望曹子曰士不可以不洪毅
孟子曰至大至剛非是二者其孰能使之或曰此亦一是非彼亦是
非將誰使正之巨謹對曰不有先王成憲者乎奈何而不以鑒
今師生之所傳受父子之所記誥皆曹夏之所承奉選舉之所推

樸工人之所創造辨士之所稱說曷亦度長挈大比方昔人精粗大小堅脆窳良可坐而洞見也孟子曰登東山而小魯登泰山而小天下故觀舟者入舟而不見据坐者舉坐而不勞必出乎其外而運之者君師之任天既以此託在陛下易曰雲從龍風從虎聖人作而萬物覩天下方熈亦在陛下作之而已其八曰明戒備臣蓋曰設備而不得肆與無備同是故昧死敢為此獻何則人有相狎而召侮不如示之以所不可犯以絕其端相匿以致疑不如告以理之不得已以開其信此以情度情也晉文公過楚楚子餐之問曰公子友晉何以報不穀文公曰得反晉國晉是治兵相遇中原其辟三舍不獲命其左執鞭弭右屬橐鞬以當君周旋於是楚人已畏文公之不可犯城濮之役未戰而楚氣已奪矣此臣所謂相狎與召侮不如示之不可犯以絕其端者也魯襄公九年晉人伐鄭士莊子主盟其載書曰今日既盟之後鄭國不爲晉命是聽或有異志者有如此盟背

從公子駢獨進曰鄭國而不惟不禮與疆可以比民者是從而
敢有異志者亦如之晉雖很知理所在不得而怪也此臣所謂
相匪以致疑不如示以理之不得已以開其信者也今潢潦无
根之敵何必愈楚而吾天地所臨之中國何遽不若鄭天下之
理一古今之情同臣是以知二說之可憑也臣又請以近事驗
之陛下申大舜無足鮮憂之孝屈臣以圖和曩爲若勤也彼常
傲岸而不省顧中間暫諾而又負之臣有以知未能折服其心
然也迨夫西弊於剡濟東蹶於海水而後狼狽逸去不得已而
倒用吾諸夏之印矣既縻我車幣又累吾雄心是其自爲一切
之計得而應變之道審也否則螭使則申孰謂彼而不知此乎
今又生此無理之疑臣竊有以料之曩時用事之巨親創前敗
固有存者後生新進邀功喜事不無其人或欲進取或欲守盟
黑白未分可否未決是以多方造設以來卜我此誠善用吾術
以應其機之時不可苟也然此豈有其黨外堅其約內謹吾備

不過衆人之所欲者是也坦然而告之以必無自我以寒之盟
毅然而示之以如有不得已必應之兵蓋堅其約所以弱之
使血首而發也明其備所以限之亦有所憚養虎之術時其飢
飽達其怒心蓄離間奔之設未始可以廢也此又臣前所請示
之不可犯之證也景德中河北常修塘堰葺城地蒐補卒乘北
虜於是大怖疑我襲之中擾弼甚其外強以復地爲說遣使以
來語殊不遜頗見兵端是時富弼報聘微得其情且開且闔因
用解釋得不成鬬弼初以銀夏用兵償那爲詞北人固不信也
於是弼曰就令爲備亦是有國之常惜如都無外虞豈不自防
他盜若曰豈有此事不過防備北朝只是自守之計其於北朝
了無所損虜人至是始大開邊鄙弼不欺人情不遠蓋然有
當其心如發部也今日之事要是國家終不肯以無事弛備奈
何臣之欲使不聞豈不益怪謂吾爲此點黷計將安出是欲釋
其疑而反趣之深非計之善者也且彼雖異類亦張尚氣得不

謂吾有以欺之不然以吾爲憚不敢自使見弱必矣奮其熊厭
重禁以要我所不可肯從之事將勝從之耶此亦臣前所謂不
如告以理之不得已者之證也天道助順師直爲壯願陛下深
信此語聖賢不人欺也至於小人嵩出不達朝廷深遠之慮徒
謂御侮之形不見於外不能無恐此尤不可不講人之情無時
則善驍騎往而不然故次在草野則終夕目睫爲之不交塞墻
爲戶以竅則達旦鼻息爲之酣適今以爲既設之備而反慮人
之煽惑過其慮也臣不知其他但見釐數之不閱一月黃金之
價爲之再踴此何理也今者如欲大鎮撫之臣願亟圖所以使
之知有所恃而不恐者數月前有自荆南來者云彼州之人譌
言劉錡且將入朝富商大賈慘沮失色皆謀寄帑帑東顧乎不
尔且見錡方講武募兵修明紀律始大譁呼相賀往來酒雋爲
倍此足以見人情樂願有所保守而然臣願陛下察臣狂言特
垂聽念天下幸甚其九曰法祖宗臣告君未嘗不以先烈爲言

者非獨祖宗家法所宜謹守上天之所眷顧百姓之所歸附實
始於此受命之日譬如有生之初元氣所稟養生之人謹此足矣
未有元氣充強而疾病能侵之者未有祖宗規摹具存而為
外尤能蝕之者此天地鬼神人心之所憑結殆不可以古今刺
也且天下之事時異而法變者多矣苟求其常未始能易正如
駟車取塗回邪曲直惟行之便至於為車箱輿之所勝載輓軌
之所賦任衡轅之所架持輪輻之所運動世雖千方無有能易之
者今或不便於祖宗森嚴之法而妄以為時變不同乃一混之
臣之心於是真廩廩也伏惟取捨之權衡駕御之方略詢訪之
塗轍防閑之心術進用之因由賞罰之條貫至詳至審至深至
遠至至苦至盛至謚臣願陛下每視成憲盡率之於上又如
人材之進退官吏之糾察經費之出入法守之持固盡至悉至乎
至一至難至審至安至佚臣願陛下詔群臣每視成憲一遵之
下陛下一二率之於其上則羣臣莫敢不一二率行之於下則

郡國縣邑莫敢不一二奔走之於外所謂入主天下之利勢
利此者也又曰衆人之所嘗言用度一事巨謹爲陛下建之伏
願陛下明敕百官自一司局以上開具祖宗之時某收誰所掌
某費誰所給後異於前者何故今奢於昔者何起得無不甚急
而可已乎得無積於小而不見乎得無忍於寡而惠衆乎得無
損於此而益彼乎誠以祖宗之法一事一件方此而類較之將
有不勝其可卽者臣前固嘗妄論陛下抑損已事毫末殆太豈
於余人復有橫費實實在此臣願陛下少厭仁宗不忍違衆之
仁而用太祖不得已果斷以立法度之意何者承平之日与多
務之時其勢不同陛下之所務也且事君猶子之事親何忍以
此上勤君父誠以天下之事非陛下自爲之誰得一二自專之
者臣嘗見祕閣所藏祖宗宸翰一時吏牘生帑狼書開具用度
將校發錢自二三百以上太祖皇帝皆躬自加減筆之其旁祖
宗總覽機務昭明理財愛惜財用斟酌事情精實至此臣願陛

下於此一事推而廣之不勝大願其十日固人心恭惟陛下勤恤民隱之言朝輟而夕已聞蠲除之令春華而秋又繼臣何所憂而尚生此誠以更不信法不知所以愛身遂欺吾君貪墨者肥其家以爲先嗜進者削其人以爲藉藉者迫於勢而不守強者使於已而無憚狼者慘毒以自使使者扶棒以市觀見知不舉太守以爲鎮靜故縱不問監司以爲畏者不知上天何用更生此人使爲旱魃以隔陛下之雨露使爲盜賊以食吾民之禾葉此而不除陛下之赤子未得安枕而高卧也豈曰國家國民以寧邦之本指哉臣異陛下無變於草以害良苗深究祖宗被蠹斷手以全大軀之義時取其無狀者一二人中出手筆特行處分使如雷霆忽然發在其側且使天下皆知誠出聖意之所丁寧不以詔令視爲虛文又取法輕情重一二隨宜裁決出自獨斷不使常有司之所刊定制書無可議者太祖皇帝謂近臣朕用法每歸於恕道不可使之知尔蓋此意也臣見有司撫

發官吏事起之日已爲左人所前料曰甲是某人之親事必不
成而果然又曰乙是某人之親罰必不既已而亦果然自就
有異於此使按臨刺舉之吏每每若是幾何而不敘彼大慈之
黃老吾民之身甚負陛下列用剛柔三德之本意也臣何以喋
喋於此臣在州縣所嘗切齒蔽塞陛下膏澤紊亂陛下之規矩
者蓋此輩也其次見知故縱迹狀彰露不可掩者願併及之以
爲後懲無多变法而陛下汪濊之恩隨川增而宏宏矣其次賦
歛並緣爲民蠹害此弊尤甚吏之不肖誠能爲是其間豈無甲
乙相求莫或任其責者只如苗米一事數不信稱吏禁而不肯
受臣嘗問之弊之所發公私常半又如見年科湏往往取至三
五年後謂之採借前官既已爲之後官孰得更始多是監司郡
國一切之令陰責期會急於待哺陽禁率斂有類愛民里閭諱
然故有不許夜行投明限到之語如此之類若不覈實陛下哀
矜無辜誓言且臣恐卒於樹在牆壁之上耳且如所謂經制

錢者謂之無額臣佐幕已子稽參按籍每歲蓋已定爲成數嘗因課賦試攷其原良由定額之時戶絕沒入之類是歲偶有日尔更不額除按籍而取戶絕沒入豈其得已乎乃立爲故事責以應課似此倫比尚多有之縣許郡中提轉總領第第相付至于戶部投之大海寂然無復音響矣揆之俗情且計已事遣責目前誰能守義相先更爲他人計乎臣向所謂甲乙相求莫或任其責者此之謂也今願何策不過鴈行以序計入爲出且令少贏以備水旱意外之費如臣向言事事以方盡復祖宗之舊可望少慰不然雖得范蠡計然之策用之固無益也臣所敢喋喋於是良以今日正是陛下與敵爭民之時史稱文王陰行仁義以傾紂高帝入關一洗秦垢於是西人皆恐沛公不爲秦王當是時天下已爲沛公囊橐中物矣劉元德亦曰今與吾相爲水公者操也操以暴吾以仁操以急吾以寬操以誦吾以忠每與操反而後事乃可成信夫元德苟不出此老心則操尚得而

易排之哉。臣敢冒死復一言。傳說之書曰：非知之難，行之爲難。黃仲舒曰：尊其所聞，則高明；臣仰觀皇帝陛下，天姿卓越，輔以典學，終始不倦，是以臨朝之際，雖有一言不中，雖墨深居之後，未聞一事不入。閭閻其盛之德，周旋至此，臣今何欲意者，聖度微寬，取舍操縱，時有未力，夫惟志士仁人，然後可以望其不誘而勸，君子長者，然後可以寄其微言，以感平塗坦路，然後可以優游接轡，以駢臣不勝懇切仰冀陛下內挾之聖，亨外參之仁，言不可則已，可則必行，而勿輟前稽之往，亦後方之來，今無是則止，有則必去，而無疑如視良藥，苟餌必安，如觀旨酒，苟飲則醇，誠以陛下之所嘗訓，述臣之所共陳，莫不卓犖第勤而行之，期以勿替禹功，堯績，何必在古。臣雖嘵嘵，竊恨益所謂鷲治不至多言，願力能何如耳。愚昧之人，方寐而驚，當食而哽，異其精力，所得止是儻陛下少賜之察，白頭書生，万里西來，志願斯畢，干冒宸嚴，無任俯伏恐懼，以待斧鉞之誅，不備。

新刊 國朝二百家名賢文粹卷第七十八

書

上宰相書

上中書相公書

田諫議

四月二十三日鄉貢進士田錫謹以長書一通獻于相公黃閣之下惶恐震駭不知所裁幸相公容而察之使獲盡其愚衷則可以免僭踰之誅而蒙容恕之惠也夫以賤于貴遭逢實難以言感人聽信亦寡蓋貴賤之際若天壤之相懸言感之間非聒明而弗悟今相公以功貴之重居廊廟之尊功業輝光仁義流布事無微而不燭理無深而不知故在位庶寮與仕進之輩孰不受陶鑄之大惠靡不希顧矚之餘輝錫是以載徵敷叙之辭上觀鈞台之盛貴又土謝首聖猶詢及藝苑周公曰聖人亦下禮賓賤即聖問服賤之帶齊相念涉淄之寒路左長謠而安子動容門下獻書而姓宗弗罪斯皆相公勲聞之事儒生常叙之

談固不假形於書簡而後知亦不勞伸於比喻而方見然相公
以房杜之策略佐堯舜之事幾入造膝於一入出勞力神於百機
所務者國家大事所思者社稷宏謨動雖方務之數靜惟寸陰
之暇而自屋之士片藝自沽求謁見於黃扉進干祈於重顧求
名者不過爲希村第在位者不越爲異迂若若是者曷與然接
踵於門屬藉藉焉取容於左右無宏才大略以捍於末聽無英
氣異行以動於禮容所以相君之門非深嚴也由所謂之人非
英特也宜其情弗上通而言弗下應焉相君之聽非勿略也由
所吐之言無利害也宜其進未速見而退未能已也曷以古人
知崇重之難接非奇偉之莫伸故有危冠長劍以飾容長揖抗
禮以自異錫常研幾於此而取類於彼悅懌自得始終可圖以
爲凡欲一謁公卿之門一達生乎之志胡不觀往古所行之事
酌于今未兆之機焉敢曲徇異辭聊欲直叙往事昔齊宣志在
馳騁而淳于之薦客非賢闔廬志在仇讎而伍員之所烹不當

非言未當也其言非闔廬之志也非客不肖其人非齊宣之意也故微福者先意而爲事事無不合希寵者見幾以設謀謀無不諧觀大易之言則曰幾者事之微也詳春秋之首則曰需者事之賊焉進與退必以時而謀與斷交相養也今相公知小人在此一書也罪小人亦此一書也雖知言出而罪入固宜俞合苟容與衆人碌碌焉苟方一志意相投寵遇下及則安可達利趨害而貽識者之譏也幸相公英明而察焉望相公仁恕而容焉錫以羈旅之人懷叢勝之藝去國三千里宦游六十載貧賤瑣屑迂懦闇鈍不言而曉言之且數年齡在躬三十有九昔在于蜀同当科場者今皆列丹陛外清貫出奉帝皇之命入居臺省之職而小人猶食人之食衣人之衣因爲旅人辱在徒步當明天子在上賢宰相富國仁猶及於草木信尚孚於豚魚安可負六尺之軀懷丈夫之志而終日屑屑不能自奮非知己之罪覽自貶之賦也寒賤幽憂之若不足爲相公言之希求遭逢之

幸不敢於相公伸之言之則襲驥聰明申之則干犯英貴然又
何以回特達英果之遇濟進趨變化之機孟子云位卑而言高
者罪也今無寸祿之位而吐僭高之言酈生五鼎之烹田光伏
劒之節豈獨古人也今幸而為相公言之錫生平所著文約百
軸擇其自善者得二十編雖繕寫獻投為舉人事業固不可用
為實名之貨亦不足為希賞之資其實邀相公之知回相公之
鑒者在此一書尔昔相公奉使於吳而知吳可取也相公在西
掖為侍從之臣旦夕論思而謂蜀可滅也相公在翰林討謖宥
密益親帝愛而致吳越王來歸闕下以是知擒吳滅蜀平百越
而來四夷豈非相公贊成帝謨而密用良畫哉所以先帝取天
下平海內二十年間強不敢掩弱大不敢加小信素來之運鍾
於聖朝外平之時歸於今上也今主明而相賢本豐而基固天
下安危之柄摠之於主上而持之於相公夫盛事難兼而良時
不再且老農有三載之儲猶悅然而自裕良賈獲千金之利尚

怡然而自多矧相公遇太平天子而佐之獲太平之民而理之
豈不以功名輝赫而自裕乎豈不以志意縱橫而自多乎且自
古亂世多而理世少君子寡而小人衆以姚崇之賢而值玄宗
晚年稍溺情於逸樂以裴度之量而遇憲穆之際未致太平今
天子春秋鼎盛好文而稽古天下底定內寧而外安此相公可
意之秋也生民受賜之時也夫制禮於未亂禁邪於未形則君
子明習先見之常道也兵書曰善戰者無赫赫之名蓋制勝於
未形未兆之前也古人云天下有道則守在四夷方今邊鄙無
虞戎夷畏服契丹遣其愛子入朝貢奉是相公慎擇邊吏俾務
大幹無使邀功而構怨之秋也邀功則事事生則怨生是邀
功之人不能布天子之大信於外夷也相公能不介意乎小人
任遇一至於此春秋不云乎釐不卹其緯而周宗是憂然狂夫
之言聖人擇善固曰魏武惡楊脩之智而殺之千載之後人皆非
之韓信納左車之說百戰之勝人皆美之湯曰天下遇夫一能

勝余舜聞一善沛然而悅苟言利國家則言之者無罪而聞之者足以自戒相公憐而察之則以爲小人方謀仕進苟非設奇則無以警駭聽聞也若相公鄙而淺之則適足邀撫掌太囂也相公若以片文知於小人則錫有二十編之文願受知於門下若以一言知於下走則錫有鄙聞陋見願見采於輿人也若以憐亡國之餘鯨宜濟之困而賜釣鉸於匹夫則羈旅之人自茲而振矣昔唐時名輩在科場間亦以設奇取譽如尹樞自放狀元王璘衣赭之類又若劉禹錫柳宗元之爲人皆以大儒之業當壯年獲志于科第自謂跬步万里坐邀大位而言無畏忌志務倜儻迨外郎署席未遑暖而衆毀已熾或出刺短檄而流離不復或終老散地而詩酒自寬壯圖弗伸晚年方悟非當時弗用也由銳氣悞物也仕進之件苟能監往失而慎將來則安可不爲良相之用乎安可不受良相之知乎揣小人藝能固當往賢慙遜也然遽以芻蕘之見驟希廟堂之知死罪死罪相公若

以爲適時之機自伸之術幕主冷然求知宰相尹樞自放狀元
斯亦覲見相公稍霽威怒而求察焉錫惶恐頓首再拜

上宰相書

同前

八月十五日將仕郎守左拾遺直史館監鹽院賜緋魚袋田錫
謹齊沐奉書拜獻相公黃閣之下錫伏有鄙見理合上聞願垂
聽察之仁不罪僭踰之過矧宰相識量不可不包容衆人大臣
聰明不可不采擇片善今相公佐太平之主理無事之朝四海
謐寧方務整肅房杜功名之暉晔良平智略之宏深以於是時
不獨稱美然至明或有所未照至聰或有所未聞未喻相公欲
聞謹直之言乎未喻相公欲求塵露之益乎僅容下僚輒陳管
見不獨衆人之幸詎亦相公之明也錫去歲至自宣城入見旒
屨黜之後聖旨宣付中書旋蒙殊恩授以大著不數日又差
充京西北路轉運判官錫固非俊邁之才竊慕清華之職遂拜
表乞在館殿與編脩裏面聖主之恩命作諫垣之吏仍兼史職

盡契夙心此皆相公施代天理物之功從小人所求之願然拜
表之際嘗詣閣門閣明有司未便收接須候相公台旨又取閣
使指揮往復審議然後呈進蓋有司稟奉之職理合且然況臣
子重預之心禮亦可以迓後恩隨聖駕留駐漳川洎捷奏之爰
來與追班而入賀數日後因進聖主平戎歌雖尋達於聖聰亦
先稟於台旨又今春二月十六日德進請皇帝東封書不敢實
封先聞閣使備言已奉台旨有司方敢進呈仍依常規先供一
狀稱不敢妄陳利便亦不敢希聖恩榮豈有備位諫垣上書詣
閣而如此委曲不便伸陳無乃損相公之明無乃失至公之跡
設使言事不合理道以言而悞至尊自有常刑可以加罪不足
一一煩相公台聽不勞一一稟相公指蹤錫纔列周行未諸時
事若是近朝弊例須至如斯相繼因仍未暇釐革則乞相公申
明曠蕩之理采納愚直之言應今後諫官上章不須閣門取狀
乃是三公之府擬高洞開白職之儀紀綱斯在錫受相公鈞鑒

之造荷相公特達之恩豈合容易干聞狂簡東來蓋聞諸道路
稱近日左拾遺胡旦上書希求差遣聖人問難酬詰仍於中書
取狀似煩聖聽有贖宸嚴今來諸閣上書不易輕進可否煩覆
相府去留見系鈞衡也錫既聞斯語實介鄙懷何以示人庶私
曰至公裁事酌中爲大軀豈相公佐先帝取吳越事今上平汴
汾誠度勳庸昭昭如此何煩尋常之見取次于郎廟之尊然緘
默不言實辜陶鑄若披仲不密亦撥譏嫌易不云乎君不密則
失臣蓋謂下言上洩實言者於危疑之地也故識者不獲已而
鉗口焉錫今進雖去書帛而退必焚藁幸相公鈞台之鑒恕小人
忠諫之誠惶恐傍徨不知所措伏乞相公熟慮而留念也錫頓
首再拜

謝石大尉書

終南先生

大尉執事遠辱示書問念勤至載窺旨意過飾隨愚衡茅之中
伏請移鑒觀于才賢進退之迹愚智得失之幾已盡於是使通

非草莽之跡超然有振進靈寔之心矣然而自古崑元之士皆
親聖賢之才夫將使輔直主濟明時也必先委置於山澤貧賤
之間俾憔悴以勤其志耳如傅崱之胥靡磻溪之釣翁卒能康
濟兆民興復王業如放性識庸下執迷寡通耕食溪山苟逃飢
餓才猷道業一無所長加以疾病汪羸養成疎懶必不能奔走
仕路輝光玉猷式玷所知有累公舉太尉推賢樂善有志成人
獨禮蓬茅問難今古忠主憂國精誠可範勞謙引類諸公卒倚
夙仰聲華公見誠實伏惟順保福復以寧邦家放再拜

上相府萬言書

范文正公

天聖五年月日丁憂人范某謹擇日望拜上書于史館相公集
賢相公參政侍郎參政給事閣下某居親之喪上書言事踰越
典禮取笑天下豈欲動聖賢之知爲身名之計乎某謂居喪越
禮有誅无赦豈足動聖賢之知耶矧親安之時官小祿薄今親
主矣縱使異日授一美衣對一盛饌尚富泣感風樹憂思無窮

豈今凡遊之下可爲身名之計乎不然何急急於言或蓋聞忠
孝者天下之大本也其孝不逮矣忠可忘乎此所以冒及上書
言國家事不以一心之戚而忘天下之憂庶乎四海生靈長見
太平今聖人當天四賢同德此千百年中言事之秋也然聖賢
之朝其賓下士之補益乎蓋古之聖賢以易養之談而成大夷者
多矣豈俟某引而質之况儒者之學非道不談其敢企仰万一
因擬議以言之皆今易行之事其未易行者某所不言也恭惟
相府居自辟之首享方鍾之厚夙興夜寐未始不欲安社稷躋
富壽又先帝之知致今上之美况聖賢有誠以万靈爲心以万
物爲軀恩与天下同其安樂然非恩之難致之難矣某竊覽前
書見周漢之興廢其理使天下爲富爲壽數百年則當時鈔君
考功可知矣周漢之衰奸雄競起使天下爲血爲肉數年則當
時鈔君者罪可知矣李唐之興也如周漢之興其衰也亦周漢焉
自我宋之有天下也經之營之長之育之以至于大平累聖之

功者不天哉然否極者泰泰極者否天下之理如循環焉惟聖
人設卦觀象窮則變變則通通則久非知變者其能久乎此聖
人作易之大旨以授於理天下者也豈徒然哉今朝廷久無憂
矣天下久太平矣兵久弗用矣士曾未教矣中外方奢侈矣百
姓及困窮矣朝廷無憂則苦言難入天下久平則倚仗可畏兵
久弗用則武備不堅士曾未教則賢材不充中外奢侈則國用
無度百姓困窮則天下無恩苦言難入則國聽不聰矣俯伏可
畏則奸雄或伺其時矣武備不堅則戎狄或乘其隙矣賢材不
充則名器或假於人矣國用無度則民力已竭矣天下無恩則
邦本不固矣儻相府思亦變其道與國家盤固基本一旦王道復
行使天下為富為壽數百年由今相府致君之功也儻不思變
其道而但維持歲月一旦亂階復作使天下為血為肉數百年
亦今相府負天下之過也昔曹參守蕭何之規以天下久亂與
人息肩而不敢有為尚權也今天下久平修理政教制禮作樂

以防微杜漸者道也張華事西晉之危而正人無徒故維持紀綱以延歲月而終不免禍以大亂天下今聖人在上老成在右豈取維持之功而忘磐固之道哉某切謂相府報國致君之功正在乎固邦本厚民力重名器備戎狄杜奸雄明國聽也固邦本者在乎奉縣公擇郡守以救民之弊也厚民力者在乎復游散去冗僭辱時之財也重名器者在乎慎選孝敦敦教養使代不乏材也備戎狄者在乎育將材實邊郡使夷不亂華也杜奸雄者在乎朝廷无過生靈无怨以絕亂之階也明國聽者在乎保直臣斥佞人以致君於有道也夫舉縣令擇郡長以救民之弊者何哉某觀今之縣令循例而授多非清識之士衰老者爲子孫之計則志在苞苴動皆循己少壯者恥州縣之職則政多苟且幸必近名故一邑之間簿書不精吏胥不畏徭役不均刑罰不中民利不作民害不去蠹寡不恤遊墮不禁播莠不增孝弟不勸以一邑觀之則四方縣政如此者十有七八焉而望王道之

興不亦難乎其選來代之書論得失者謂相府有不救其弊之
過矣如之何使斯人之徒爲民父母以困窮其天下又朝廷大
有擇縣令郡長之議而不遂行者蓋思退人以禮不欲動多士
之心故務因循而重改作也豈長世之策哉儻更張之際不失
推恩又何損於仁乎今約天下令錄自差京朝官外不過千數
百員自來郊天之恩解及州縣若天下令錄自大禮以前滿十
考者可成資日替以職官七考以上可滿日循其資俸除錄事
參軍則縣令中昏邁常常之流可共數百人矣蓋職官錄事參
軍不甚親民爲害亦細此謂退人以禮士豈有怨心哉其間課
最可尚論薦頗多俟到銓衡別議疇賞前既善退後當精選其
判官簿尉不由薦舉初入令錄之人並可注錄事參軍如無員
闕可授大縣簿尉仍賜令錄之俸其曾任令錄有過該恩合入
本資者可依初入之例頒此數條入令者鮮然後委清望官於
幕職判官簿尉中歷三考以上且理績舉充其川廣福建縣令

可委轉運使等就近於判司簿尉中舉移庶從人便若此後諸
處縣令特有謬最可咍尚者宜就遷一官更留三載庶其宣政
者可以成俗其僥倖者從朝典如此行之三五年中天下縣政
可澄清矣願相府為天下生靈而行之為國家磐固本而思之
不以聽芻蕘為嫌而罷之則天下幸甚其又觀今之郡長
鮮克尽心有尚迎送之勞有貪燕射之逸或急為於富貴之援
或孜孜於子孫之計志不在政功而及民以獄訟稍簡為政成
以教令不行為坐鎮以移風易俗為虛語以簡賢附勢為知幾
清素之人非緣囑而不薦貪黷之輩非寒素而不糾縱胥徒之
奸克寵風俗之奢僭況國有職制禁民越禮頒行已久莫能舉
按使國家仁不足以及物義不足以禁非官實素浚民則菜色
有恤鰥寡則指為近名有抑權豪則目為撥禍苟且之弊積習
成風俾斯人之徒共理天下王道何從而興乎其恐來代之書
論得失者亦謂聖朝有不救其弊之過矣然朝廷以黜陟郡長

爲難者官有定制不欲動搖懼其招怨謗而遠僥倖尔故知縣
兩任例外同判府判兩任例外知州亦何在下之時飾身修名
激其清譽居上之後士滿才乏愆于素時止能偷安而未至覆
餗故賢愚同等清濁一致此乃朝廷避怨於上移震於下俟其
自敗民何以堪故鄭莊公同共叔之自弊而春秋罪焉以其長
惡也易曰履霜堅冰至由辨之否辨也此聖人昭昭之訓豈用
於先王而廢於今日者哉近年諸處郡長以贓致罪者數人皆
貴盈之夫又爲民患如此之類至終不敗者豈止數人而已乎
雖轉運使提點刑獄職在訪察其如位望相亞怨仇可敵非致
敗露鮮敢諉明宜乎論道之間激揚天下古者天子五載一巡
皇上凝命於今六載矣以軍國重大未可行遠古之道今郊禮
之餘宜宣大慶可於兩制以上密選賢明巡行諸道以興利除
害黜陟幽明舒慘四方豈同常務可命御史嚴諭百僚當出使
之官絕書刺往還之礼仍豎日首途以恭請計苟利天下大弊

之官且以宣慶爲名安遠聽也其諸道知州同判率者需者貪者虐者輕而無法者墮而無改者皆可奏降以激尸素又四方得以上聞未卒巡狩之禮而遣觀風之使非不典也然後委清望官於朝臣同判中舉諸郡長於朝臣知縣中舉諸同判今後同判之官非顯著効及有殊薦雖或又次止可加恩郡國之符不當輕授其知縣之人入同判者宜如此例如此行之天下郡政其監鮮矣今一司一務猶或舉官一郡之間生靈數万反可輕授於人乎願相府爲天下生靈而行之爲國家盤固其本而行之不以聽初善爲嫌而罷之天下幸甚幸甚其前所謂官有有定制不欲動搖懼其招怨謗而速僥倖者兩宮聖人臨軒命使激揚善惡澄清天下何足謗之有乎自茲以降非舉不授舉官之責厥典非輕何僥倖之有乎如所舉之人果成異政則宜旌尚舉主以勸來者聖朝未行此典蓋亦闕矣縣令長旣得其才然後復游散去冗借以阜時之財者何哉某謂生者旣庶則

作者復衆豈既衆之爲累哉蓋古者四民秦漢之下兵及蠶黃
共六民矣今又六民之中浮其業者不可勝紀此天下之大蠹
也土有不稽古而祿農者有不竭力而饑工多奇器以敗度商多
奇貨以亂禁兵多冗而不急蠶黃蕩而不制此則六民之浮不
可勝紀而皆衣食於農者也如之何物不貴乎如之何農不困
乎其謂穀帛之貴由其播斂不增而貴取者衆也金銀之貴由
其制度不嚴而器用者衆也或謂資四夷之取而使之然則山
川之所出與恩信之所給自可較之非其所敢知也今議更張
之制繁細非一其敢略而陳之夫釋道之書以真常爲性以清
淨爲宗神而明之存乎其人智者回難於言而況於民乎君子
弗論者非今理天下道也其徒繁纖不可不約今後天下童行
可於本貫陳牒必詰其鄉黨若有罪戾或父母在鮮人供養者
勿從其請如已受度而父母在別無子孫勿許方游則民之父
母鮮轉死於溝壑矣斯亦養悃獨助孝弟之風也其京師寺觀

多招四方之人宜給本貫憑由乃許收錄斯亦辨姦細復避敵之要也其天下守觀每建殿塔蠶民之費動踰數万止可元曆勿許創新斯亦与民阜財之端也又古者兵在於民且耕且戰秦漢之下官軍爲常貴武勇之精備征伐之急也今諸軍老弱之兵詎堪征伐旋降等級尚費資儲然國家至仁自在存活若詔諸軍年五十已上有資產願還鄉里者一可聽之稍省軍儲復從人欲無所歸者自依舊典此去冗之一也又諸道巡檢所統之卒皆本城役徒殊非武士使之禁暴十不當一而諸州常患兵少日旋招致穀帛之計其耗万億以某觀之自京四鄆千里之間或多寇盜蓋創置巡檢路分頗多而卒伍至羸掩捕无効非要害者宜悉罷之所有之處資以禁軍訓練既精寇盜如取况千里之內抽散非難又使少歷星霜不至驕惰彼無用之卒可減數万庶使諸郡節於招致此去冗之次也又京畿三輔五百里内民田多隙農功未廣旣已開導溝洫復頒聖澤令長

使謂訪父老研求利病數年之間力致富庶不破什一之稅絀以百万之余則江淮饒通庶幾減半挽舟之卒從而省焉此亦去冗之大也至於工之奇器敗先王之度商之奇貨亂國家之禁中外因之侈僭上下得以驕華宜乎大變澆漓申嚴制度使珠玉寡用穀帛為寶此又去僭豐財之本也今盛明之代何事而不可行乎曩者國家禁泥金之飾久未能絕一旦使命婦不服工入不作于今天下無敢衣者使其餘奢僭皆如泥金之法亦何患不禁乎又播藝之家古皆督責今國家有勸農之名無勸農之實每於春首則移文於郡郡移文於縣縣移文於鄉鄉矯報於郡郡矯報於使利害不察上下相蒙豈朝廷之意乎若縣令郡長一變其人乃可設書丁寧復游散之流抑工商之侈去士卒之冗勸稼穡之勤以周禮司徒之法約而行之使播者執耜以時慶勤者惰者有勸有戒然後致天下富之壽之彼不我富不我壽者豈能革之哉此則厚民力固邦本之道也觀夫

國風之七月小雅之甫田皆以農夫之慶為王化之基豈聖人不思而述者乎故周漢李唐雖有禍亂而能中興者人未厭德作亂者不能革天下之心是邦本之固也六朝五代之亂解克中興者人歇其德弔民者有以革天下之心是邦本之不固也然則厚民力匡邦本非舉縣令擇郡長則莫之行焉或謂舉擇令長久則乏人亦何道以嗣之某謂用而不擇賢孰進焉擇而不教賢孰繼焉宜乎慎選舉之方則政無虛授敦敦教育之道則代不乏人今士林之間患不稽古委先王之典宗叔世之文詞多纖穢士惟偷淺言不及道心無存誠暨于入官鮮於致化有出類者豈易得哉中人之流浮沉必矣至于明經之士全暗指歸講議未嘗聞威儀未嘗奉官于民上貽笑不暇責其能政有百一焉詩謂長育人材亦何道也古者庠序列于郡國王風云
尊師道不振斯文銷散由聖朝之弗救乎當太平之朝不能教育俟何時而教育哉乃於選用之際患其才難亦由不務耕而

求獲矣。今春詔札開凡脩詞之人許存策論明經之士特為旌別天下之望翕然稱是其間所存策論不聞其誰敷勸未明人將安信儻使呈試之日先策論以觀其大要次詩賦以觀其全才以大要定其去留以全才外其等級有請貨者別加考試人必強學副其精舉復當深思治本漸隆古道先於都督之郡復其學校之制約周官之法興闕里之俗辟文李楊以專其事敦之以詩書禮樂辨之以文行忠信必有良器蔚為邦材況州縣之用乎夫庠序之興由三代之盛王也豈小道哉孟子謂得天下英才而教育之一樂也豈偶言哉行可數年士風丕變斯擇材之本致理之基也又李唐之盛常設制科所得大材將相非一使天下奇士學經綸之盛業為邦家之大器亦策之上也先朝偶屬多務暫停此科今可每因貢舉之時申其墜典必有國士雖於唐人豈非邦家之盛選歟勿謂未必得人遂廢其道此皆慎選舉歟

育之道亦何患乏人哉儻國家行此數事若令

刑政之用心則無不感焉前代亂離鯨吞虎噬無卜世卜年之意故斯道久缺反爲不急之務既在承平之朝當爲長久之道豈如西晉之禍而有何公之嘆者乎願朝廷念祖宗之艱難相府建風化之基本一之日圖之二之日行之不以聽芻蕘爲嫌而罷之則天下幸甚幸甚至于品官宜濳之士或節義敦篤或文學高古亘崇聘召之禮以厚堯競之風國家近年羔鴈弗降或有考槃之舉不踰助教之命孝廉之士適以爲辱何敦勸之有乎又流外之官澄清未至公之則百世受弊革之則諸司乏人將使群謗不興衆心知勸不若敦仍舊之制加獎善之方自簿尉兩任有奉奏者許入錄事參軍錄事參軍有舉奏者許入職事官或換三班使且既有進身之階豈無畏法之志設使流內之人無遷進之望而能盡公者必亦鮮矣今後百司新入之人或乘其覲能或出於仕族行藏必審考試必精避役之人無圖之類嚴革其弊高爲之防既激其流復澄其源亦何患流外

之亢乎某又謂育將材實邊郡使夷不乱華者何哉蓋聞古之
善禦戎者將不乏人則師戰而不衄邊不之虞則城圍而不下
狄疑且畏罔敢深入此劉漢所以長也不善禦戎者將在貴且
邊須遠饋故戰之則衄圍之則下狄无疑畏乘虛深入此石晉
之所以亡也今兵久不用未必爲福在開元之盛有與谷之敗
可龜鑑矣何哉昔之戰者耄然已老今之壯者器而未戰聞名
之將往往衰落豈無晚輩未聞邊功此必廟堂之所思也仍聞
公邊諸將不謀方略不練士卒結援弭勢固祿求寵一旦急用
万無成功加以邊民未豐邊廩未實下武之際兵寡食足也此
大軍必煩遠饋則中原益困四夷益驕深入之虞未可量也于
時廟堂之上雖有臯陶之謀伯益之贊不亦難乎夫天下禍福
如人家道成於覆盞敗於疾雷聖朝豈恃其太平而輕其後計
不行之鑒豈曰不明清談之間坐受其弊蓋備之弗預知之弗
爲許下之兵日血十万豈不痛心哉今西北和好誠爲公圖安

必慮危備則無患晉成周之盛王道如砥及觀周禮則大司馬
陣戰之法綦然具存乃知禮樂之朝未嘗廢武今孫吳之書綦
而廢李苟有英傑受亦何疑且秦之焚書也將以愚其生人長
保天下及其敎也陳勝吳廣豈讀書之人哉况前代名將皆洞
達天人嗣續忠孝將門出將史有言焉今將家子弟雖聞韜鈴
無所用心驕奢而已文有武備此能備乎今可於忠孝之門搜
智勇之器堪將材者密授兵略歷試邊任使其識山川之向背
歷星霜之艱難一朝用之不堪顛沛十得三四不云盛乎至于
四海九州必有壯士宜設武卒以收其遺唐郭子儀武卒所得
者也斯可遺乎又臣僚之中素有才識可賜孫吳之書使知文
武之方異日安邊多可指任此皆有將才之道也又必邊知同
情加舉擇特授詔命專謀耕桑三五年間豐其軍廩此則實邊
郡之道也將材既有邊郡既實師戰而不岌城圍而不下狄疑
且畏敢深入乎縱有極動朝廷可高枕矣前代禦戎其策非一

唐陸贄議緣邊備守之術請置本土之兵勸營田之利古今事宜相近可約而行也本土之兵者若今之北邊有雲翼招牧之軍更可增致作為奇兵至于營田之利宜常興作而加焉願相府為國家安危思之五代之亂非遠也為河胡生靈思之景德之前未久也今相府勞一夕之思絕百代之恥庶使中原見新羈之馬赤子入無知之俗則天下幸甚嗟其聖人曰微管仲吾其被髮左衽又曰民到于今受其賜管仲霸臣也而能攘戎狄保華夏功高當時賜及來代況朝廷之盛德乎某文謂朝廷無過生靈无然以絕亂之階者何哉蓋天下奸雄无代无之或窮為夜舞或起為大盜伺朝廷之過執以為辭幸生靈之怨帛而稱義不然亦何名而動哉今明盛之朝豈有大過亦宜辨於毫末杜其堅冰或暇近撓權或土木耗國或祿賞未均或綱紀未修或任使未平斯亦過之漸也某敢小舉其失以言之國家威近之人不可不約除拜之際宜量其才非曰惜恩懼年致寇若

力小任重則撓權亂法增朝廷之過故奸雄之志易曰小人而
柔君子之器盜思奪之矣所謂盜者其奸雄之謂乎今道路傳
聞或緇黃之流或術藝之輩結託親近邀求進貢或受恩賜或
與官爵此撓權之漸也可不畏乎夫賞罰者天下之衡鑑也衡
鑑一私則天下之輕重妍醜從而亂焉此先王之所慎也又土木
工興又爲太靈或謂土木之費出於內帑無傷於害民之弊故
爲之而弗戒也其謂內帑之物出於生靈太祖皇帝以來深思
遠慮聚之積之爲軍國急難之備非詔神伊佛之資也國家所
天永命之道豈在茲乎如洞真壽寧之宮以延燎之災一夕逮
盡豈非天意歟豈在帝心示土木之所崇非神靈之所據也安可
取民人膏血之利輟軍國急難之備奉有爲之惑異无狀之福
宜不誤哉一旦有倉卒之憂須公鉅賞之資雖欲重困生靈暴加
率斂其可及乎此耗國之大也可不戒哉儻謂內藏盡盈用不
可竭則日者黃河之役使數十州之人極力負資奔走道路豈

惜府庫之餘而不用之耶故土木之妖宜其悉罷豈相府之不
言乎兩宮之不聽乎又文武百官之祿取兵糈五代之制或職
輕祿重或職重祿輕重輕之間奔競者至大其之世猶患不均
豈聖朝之意乎所宜損之益之以建其極又今三司之官差除
頗異祿賜弗輕何知弊而不言多養望以自進天下金穀決于
群脅措克無厭取怨四海使先帝宵旰之命弗逮于民和氣壓
傷聖年貢過曾不謂之過乎蓋由三司之官不制考限不責課
最朝受此職之求他官直去假塗相與匿禍天下受弊職此之
由豈聖朝之意乎宜其別制考課重議貢言激朝端之俊傑收
天下之疲瘵其無幾乎又古之勲人賞延于世今則每奉大慶
必行此典自兩省以上奏薦子弟並為京兩以於庶僚亦既優
矣而持每歲聖節名序子孫謂之賞延贖亂以甚先王名器私
假於人曾不謂之過乎非君危臣僭之朝何其姑息之如是耶
遂使懷序之人墨于仕路曾未稽古使以司民國家惠之盛有

釐革其下而不革其上節於彼而不節於此天下豈以爲然哉
我相府豈惜一孺之恩不爲百辟之表乎之遠惡之官多在寒
族權貴之子鮮離上國周旋百司之務懵昧四方之事况百司
者朝廷之綱紀風教之戶牖咸在童孺曾無激揚使守省之規
剝床而足公卿之嗣懷安敗名未嘗試難何以致遠非獨招縉
紳之議實亦玷鈞衡之公此則祿賞未均任使未準綱紀未脩
之類也斯弊以久何可極乎惟我相府能革其弊能變其極而
天下化成不爲難矣晉趙王倫石勒之徒心窺天子口責丞相
豈非奸雄之人伺朝廷之過乎又今父安之民不經塗炭勞則
易然擾則易驚猛將謀臣威信未著况邊民尚困邊廩尚乏苟
有搖動饋運所難武備未堅狄志可駢既撓之以征戰加之飢
饉生靈窮蹙奸雄奮迅鼓舞群小血視千里此五代之鑒昭昭
焉非止方冊之有云抑亦耳目之可接也我大祖皇帝亦嘗
有事四方勞於饋運而生靈不敢怨奸雄不敢動者何哉一則

餘民久在塗炭乍覩明盛如子得母縱有勞役未甚襲昔此生
靈所以不敢怨也又當棄天開之輝震神武之威征伐四方動
如山壓况躬擐甲冒備嘗艱難猛如雲謀且如雨此奸雄所
不敢動也所謂彼一時此一時尔人
外廷豈謂當時之易而不
慮今時之難乎又謂保直臣斥使人以進君於有道者何哉有
若人之未病則苦口之藥鮮進焉國之未危則進耳之言鮮用
焉故使人易進直臣易退其致君於有道也難哉及其既病也
藥必錯雜而進故鮮效焉及其既危也言必錯雜而用故鮮功
焉蓋使人左矣直臣遠矣其悔之也難哉今朝廷久安苦言而
不用者勢使之然矣天深戒而不變者禍可畏矣伏聞京師去
歲大水今之大疫四方聞之莫不憂此天之有以戒也豈徒
然乎而京師之災甚於四方何哉蓋京師者政教之所出累朝
之所居也禍未盈而天未絕故鑒戒焉不獨恐懼其心必使修
省其政國家之德尚可隆天下之道尚可行也儻弗懼乎必弗

修于政漸盈于禍漸絕于夫則國家四海將如何哉或謂國家之災由歷數之定非政教之出若如所論則夏禹九疇之書巢妖言耶豈欲弃而焚之乎苟天下有善則歸諸己天下有禍則歸諸天豈聖朝之用心願黜術士之言奉先王之訓必不謬矣必無過矣於保直臣斥佞人則邪言二省之心如日星焉孰可蔽其明乎縱有行偽而堅言偽而辨試於行事人焉庾哉往日不極言而今極言者學陋之人思慮未精又親安之時尚懼天祿不幸親今亡矣朝廷或怒之自頂至踵惟忠也又何憂乎儻相府思變其道與國家作長久之計固其基本一旦王道復行使天下爲富爲壽數百年則福在國家功在相府得爲天下生靈長見太平幸甚幸甚切以五代以來諸侯暴酷視民如芥生殺由之皇朝龍興典章一寬真宗皇帝至仁如天盡心于此內則奉執法之吏外則剋按刑之司徒流之問无敢差者若今於教化之道復如刑名之用心亦何患不至乎今縉紳之間多

議按刑之司無益於外亦思之未深耳如得其人糾察四方絕
斯民之寃協先民之志豈无益乎得人而已不可謂川之既平
可壞其防也今五刑既清王道可行此天下之士入爲相府惜
其時也或曰天下之事猶指諸掌豈相府弗克行乎亦在明臣
之意尔謂人主在上或喜或怒生殺或好或惡邪正則諫爭之際爲
臣不易也若乃修四方之政教正百司之綱紀澄清風俗相府
之職也豈必兩宮之意乎儻相府疑某之言謂欲矯聖賢之知
爲身名之計豈不能終喪之後爲歌爲頌潤色盛德以順美於
時亦何必居喪上書踰越典禮進逆耳之說求終身之弃而自
置於貧賤之地乎蓋所謂不敢以一心之戚而忘天下之憂是不
爲身名之計明矣觀前代國家當其安也士人上言論興亡
道非聖主賢相則百不一采及其往也則後之史臣收于簡策
爲來代之監今日之言顧相府采其一二爲國家天下之益不
願後之史臣收于簡策爲來代之監狂斐之人誅放准命以顯

堂深嚴恐不得上乃敢謁問之下各致此書庶有達於聰明
干犯公嚴下情無任惶恐激切之至不次其死罪謹焚香拜

新刊 國朝二百家名賢文粹卷第十八

新刊 國朝二百家名賢文粹卷第七十九

書

上宰相書二

投時相書

六一居士

某不佞疲軟不能強筋骨與工人田夫坐市區服畎畝爲力役之勞獨好取古書文字考尋前世以來聖賢君子之所爲與古之車旗服器名色等數以求國家之治賢愚之任至其炳然而精者時亦穿蠹盜取飾爲文辭以自欣喜然其爲道闊深肆大非愚且迂所能究及用功益精力益不足其勞反甚於市區畎畝而其所得較之誠有不及焉豈勞力而役業者成功易勤心而爲道者至之難歟欲悔其所難而反就其易則復慙望人爲山一簣止焉之言不敢叛弃故退失其小人之事進不及君子之文茫然其心罔識所嚮若奔車川游漫於中流不知攸濟回視陸者顧瞻惶惶然復思之入之有材能抱道德懷智慮而可

自隸於世者雖聖與賢未嘗不無不幸焉禹之偏枯卻克之敗
丘明之盲有不幸其身者矣抱關擊柝恹惶奔走孟子之戰國
楊雄之新室有不幸其時者矣少焉而并孝焉而不回賈誼之
毀仲尼之禁錮雖有其時有不幸其偶者矣今以六尺可用之
軀生太平有道之世無進身毀罪之虞是其身時偶三者皆幸
於古人之所有者獨不至焉豈天之所予不兩足歟亦勉之未
繇坎伏惟明公履道懷正以相天下上以承天子社稷之大計下
以理公卿百職之宜賢者任之以能不賢者任之以力曰士大
夫下至於工商賤技皆適其分而收其長如脩之愚既不足任
之能亦不堪以力徒以常有志於事也今幸以文字試於有司
因自顧其身時偶三者之幸也不能默然以自著謹以辭業雜
文五軸贊閭人以俟進退之命焉

上杜相公書

同前

脩惶恐頓首三兩日不審尊躰動止何以某被催赴任不得躬

造門下豈勝戀戀之誠保州叛卒心欲招之而外不退兵雖使
忠臣孝子不免疑惑今又聞有築城之請雖知朝廷不以爲是
而便宜之旨已下軍前方一事盡如城之謬遂不請而便宜從
事脫有敗誤則一方之事系天下安危伏惟聰明何以裁處某
才薄力劣不足以脩急緩之用若止於調發輸餉此俗吏之所
能爲故自請願與田李共議兵事至今寢而不報內竊自度不
報誠宜然朝廷既已力排言事者而託以用才於外今反疑之
而不任以事何以解言者之惑哉此某之不可諭也秋暑尚繁
伏惟爲國自重

代上呂相公未見書

同前

某聞古堯舜禹之爲君也有皋皋稷稷野奢之徒爲其臣而湯之
王也亦有仲虺伊尹者周之興也有周公召公其後興也有方
叔邵虎山甫之徒下而至漢其初也功臣尤多稱善相者曰蕭
曹其後曰丙魏唐之始則房杜既而曰姚宋者是皆能以功德

佐其君而卓然能以名出來而見於世者莫盛乎漢與唐其興也必有賢哲之臣出其際而能使其君之功業名譽赫然光顯於萬世而不泯故每一讀其書考其事量其功而想乎其可得而識也夫其人已亡其事已久去數千百歲之後徒得其書而一讀之猶灼然如在人耳目之際使人希慕稱述之不暇況得身於其時親見其所爲而一識其人則雖奔走俯伏從妾國執鞭扑猶爲幸欤某嘗誦於此而私自爲恨者有日矣國家之興也七十有五年矣禮樂文章可謂太平而條然稱王公大人於世者往往而出凡士得身出於斯時宜爲幸矣又何必忽近以慕遠違目而信耳且安知後之望今不若今之望昔者邪然其實有若不幸者其生也少賤而愚賤則不接乎朝廷之間愚故不能與於事則雖有王公大人者並出而欲一往識之乃無一事可因而進焉噫古之君子在上不幸而不得出其間今之君子在上幸而親見矣又以愚賤覩瞞而莫可望焉是真可悶

歎也矣然獨念昔者有聞於先君大夫似有可以藉而爲說以
干進於左右者試一陳之先君之生也好學勤力以孤直不自
進於時其晚也始登朝廷享榮祿使終不困其志而少伸者蓋
實出於君子之門則相公之於楊氏不爲無恩矣某不肖不能
光大先君之世而又苟欲藉之以有請於閭人誠宜獲罪於下
執事者矣然而不詢於長者不謀於耆龜而妄用是以自進者
蓋冀万一得償其素所願焉雖及門而獲罪不猶愈於望古而
自恨者邪言狂計愚伏惟聰明幸賜察焉

與吳充丞相書

司馬溫公

某啓某愚戇迂僻自知於世無所堪可以足退伏散地苟竊微
祿以庇身保家而已近聞道路之人自京師來者多云相公時
語及姓名或云亦嘗有所薦引未知虛實某自居洛以來仕官
之心久已杜絕在少壯之時猶不如人况年垂六十鬚髮皓然
視昏聽重齒落七八精神衰耗豈復容有干進之心但以從游

之矣今日特蒙齒記感荷知己之恩終身豈敢忘哉顧惟相公
富貴顯榮豐備已極某疎冗之人無一物可以為報唯忠信之
言庶幾仰酬盛德之万一耳伏惟明主歷選周行登用人傑以
毗元化以某不敢忘知己之心知相公必不輕孤於明主也竊
見國家自行新法已來中外恟恟之無愚智咸知其非州縣之
吏困於煩苛以夜繼晷棄置實務崇飾空文以刻急為能以欺
誣為才間閭之民迫於誅斂人無貧富咸失作業愁怨流離轉
死溝壑聚為盜日夜引領異朝廷之竟悟弊法之變更凡幾年
于茲矣相公聰明豈得不聞之邪今府庫之實耗費殆竭倉廩
儲僅支數月民間貲產朝不謀夕而用度日廣倍斂日急河北
京東淮南騷起之盜攻剽城邑殺掠官吏官軍已不能制矣若
不幸復有方二三千之里之旱霜蝗所在如是其為憂患豈可
勝諱哉此安得謂之細事保其必死而恬然不以為意乎賈誼
當漢文之世以為抱火厝之積薪之下而寢其上火未及然因謂

之安若當今日必謂之火已然而安寢自若者也昔周公勤勞王家坐以待旦跋胡躓宅羽敝口瘡終能爲周家成太平之業立八百之祚身為太師名播無窮子孫奄有龜蒙與周分降王夷甫位居宰輔不思經國專欲自全置二弟於方鎮以爲三窟及晉室阽危身亦不免然則聖賢之心豈皆忘身徇物不自爲謀哉蓋以國家興隆則身未有不預其福者也顧衆人之識近而聖賢之慮遠耳如相公之用心固周公之用心也今若法弊而不更民疲而不恤万一見竊不多逢蠶蠶有毒則竊恐廟堂之位亦未易安居雖復委遠機柄均逸外藩固非息有之處乃至投簪解紱嘯傲東山亦非高枕之地也然則相公今日救天下之急保國家之安更無所與議矣救急保安之道苟不罷青苗免役保甲市易之法息征伐之謀而欲求其成效是猶惡湯之沸而益薪鼓橐欲過鄢郢而北轅疾駛也所求必不果矣欲去此五者而不先別利害以寤人主之心則五者不可得而去矣

欲寤人主之心而不先開言路則人主之心不可得而寤矣
所謂開言路者非如曩時徒下詔書使臣民言得失既而所言
當者一無所施行又取其稍訐直者隨而罪之此乃塞言路非
開之也為今之要在於輔佐之臣朝夕啓沃唯以親忠直納諫
廣聰明去壅蔽為先務如是則政令之得失下民之疾苦粲然
無所隱矣以聖王睿明之資有賢相公忠之助使讜言日進下
情上通至治可指期而致况弊法何難去哉夫難得而易失者
時也今病雖已深猶未至膏肓焉制治於未亂保邦於未危尚
自汲寧之易失今不治遂為痼疾雖兩魏姚宋之佐將末如之
何必有鑒臍之悔矣相公讀書從仕位至首相展志行道正在
此時苟志無所屈道無所失其合則利澤施於四海其不合則
令名高於千古文夫立身事君始終如此亦可以為無負矣某
切於報德貪盡區區不覺辭多其惶恐再拜

上相府書

臨川先生

某聞古者極治之時君臣盡道以業天下之民匹夫匹婦有不
顧其澤者爲之焦然取而憂之暫聾侏儒亦各得以其材食之
有司其誠心之所化至於牛羊之賤牧不忍不仁於草木今行
葦之詩是也況於所得士大夫也哉此其所以上下輯睦而稱
極治之時也伏惟閣下方以古之道治天下而某之不肖幸以
此時竊官於朝受命佐州宜竭罷駑之力畢思慮治百姓以副
吾君吾相於建官任材休息元元之意不宜以私恩上而自近
於不敏之誅抑其勢有可言而亦閣下之所宜憐者某少失先
人今大母春秋高宜就養於家之日久矣徒以內外數十口無
田園以託一日之命而取食不腆之祿以至於今不能也今去
而野處念自廢於苟賤不廉之地然後有以共喪葛臯魚菽而
免於事親之憂則恐內傷先人之明而外以累君子養完人材
之德滯忍以不去又義之所不出也故輒上書闕下願濱先人
之丘冢自託於筦庫以終犬馬之養焉伏惟閣下觀古之所以

村鼓聲保儒之道覽行葦之仁憐士有好脩之意者不窮之於
無所據以傷其操使老者得養而養者雖愚誓能無報盛德於
以廣仁孝之政而曲成士大夫爲子孫之誼是亦君子不亦宜
已者也竊冒威尊不任皇恐之至

上富丞相書

同前

某以閭下在相位時獨蒙拔擢在常人之情固以歸德於左右
然某以謂大君子以至公佐天子進天下士而某適以不肖誤
在選中閭下非故爲賜也則某宜不知所得矣及以不孝得罪
天地扶喪南歸閭下以上宰之重親屈手筆拊循慰勉過於朝
夕出入牆屏之人又加賜物以助其喪祭然後慨然有感繫於
私心而雖在攀號摧割之中不能以瀕吏忘也近聞以旌纛出
撫近鎮而尚以喪麻故不得參問動止卷卷之清何可以勝日
月不處旣除喪矣而繼以疾病又念心之曲折造次不足以自
達故曠日引久而闕然不即叙感實冀見大仁明有以容而察

之而已伏惟閣下以盛德偉譽豐功茂烈爲天下所仰往而又忠言讜議終始如一此志義之士所以尤勤勤於祝頌也伏惟軫道爲國自重以答輿人之心幸甚

上晏相公書

韓南陽公

某鄙朴果於自守從士大夫游無多人至於公卿近臣見其面者蓋少矣而被其知者又加少焉伏惟相公道德猷爲朝之耆碩儒雅風度士之儀表以某之愚且賤其於仰高而希遠蓋不可以尋尺步跬拔也閣下乃親撫而納之霽其威嚴使其言之盡也簡其體節使其辭之舒也而又登之研席接之樽俎從容愉怡凡丞相之所以臨下吏者一皆略焉至於聆論議之淵源窺文章之雄奧愜心淪肌蒙益而不自知者又非言之所及已故某之留府下累旬而忘其歸既歸而其行遲遲也誠感閣下絕俗之過而樂以道之相与也系官中都不得常侍左右不勝區區瞻望之切

上富丞相書

老泉先生

相公啓下往年天子震怒出逐宰相選用舊臣堪付屬以天下者使在相府与天下更始而閣下之位實在第三方是之時天下咸喜相慶以爲閣下惟不爲宰相也故默默在此方今困而後起起而復爲宰相而又適值乎此時也不爲而何爲且吾之意待之如此其厚也不爲而何以副吾望故咸曰後有下令而異於他日者必吾富公也朝夕而待之跂首而望之望望然而不獲見也戚戚然而疑嗚呼其弗獲聞也必其遠也進而及於京師亦無聞焉不敢以疑猶曰天下之人如此衆也數十年之間如此其衆也皆曰賢人焉或曰彼其中則有說也而天下之人則未始見也然而不能無憂蓋古之君子愛其人也則憂其无成是言聞之古之君子相是君也与是人也皆立於朝則使吾皆知其爲人皆善者也而後無憂且一人之身而欲擅天下之事雖曰信於當世而同列之人一言而疑之則事不可以成今

夫政出於他人而不懼事不出於已而不足是二者惟善人爲能然猶欲得其心焉若天衆人政出於他人而懼其害已事不出於已而忌其成功是以有不平之心生夫或居於吾前或立於吾後而皆有不平之心焉則身危故君子之處於其間也不使之不平於我也周公立於明堂以聽天下而召公惑何者天下固惑乎大者也召公猶未能信乎吾之此心也周公定天下誅管蔡告召公以其志以安其身以及於成王故凡安其身者以安平周也召公之於周公管蔡之於周公是二者亦皆有不平之心焉以爲周之天下公將遂取之也周公誅其不平而不可告語者告其可以告語者而和其不平之心然則非其必不可以告語者則君子未始不欲和其心天下之人從仕而至於卿大夫宰相集處其上相之所爲何慮而不成不能忍其區區之小忠以成其不平之釁則害其大事是以君子忍其小忠以容其小過而杜其不平之心然後當大事一聽命焉且吾之小

思不足以易吾之大事也故寧小容焉使無藉於其間古之
君子與賢者並居而同樂故其責之也詳不幸而與不賢者偶
不圖其大而治其細則闊遠於事情而無益於當世故天下無
事而後可與爭此不然則否昔者諸呂用事陳平憂懼計無所
出陸賈入見說之使交歡周勃陳平用其策卒得絳侯北軍之
助以滅諸呂夫絳侯木強之人也非陳平致之而誰也故賢人
者致不賢者非夫不賢者之能致賢者也曩者陛下即位之初
寇萊公爲相惟其側有小人不能誅又不能與之無忿故終以
斥去及范文正公在相府又欲以歲月盡治天下事失於急與
不忍小忠故羣小人亦急逐之一去遂不復用以及其身伏惟
閣下以不世出之才立於天子之下百官之上此其深謀遠慮
必有所處而天下之人猶未獲見洵西蜀之人也竊有志於今
世願一見於堂上伏惟閣下深思之無忽

上文丞相書

同前

昭文相公執事天下之事制之在始始不可制制之在末是以
君子慎始而無後憂救之於其末而其始不為無謀失諸其始
而徵諸其終而天下無遺事是故古者之制其始也有百年之
前而為之者也蓋周公營乎東周數百年而待乎平王之東廷
也然及其收天下之事而責其賢不肖之分則未嘗於其始焉
而制其極蓋常舉之於諸侯考之於太孝引之於射宮而試之
弓矢如此其備矣然而管叔蔡叔文王之子而武王周公之弟
也生而與之居處習知其性之所好惡與夫居之於太孝而習
之於射宮者宜愈詳矣然其不肖之實卒不見於此時及其出
為諸侯監國臨大事而不克自定然後敗露以見其不肖之才
且夫張弓而射之一不失容此不肖者或能焉而聖人豈以為
此足以盡人之才蓋將為此名以收天下之士而後觀其臨事
而黜其不肖故曰始不可制制之在末於此有人求金於沙歟
而揚之惟其揚之也精是以責金於揚而歛則無擇焉不然金

與沙礫皆不歸而已矣故欲求盡天下之賢俊莫若略其始欲求其實於天下之官莫若精其終今者天下之官自相府而至於一縣之丞尉其爲數實不可勝計然而大數已定餘吏溢于官籍大目建議減任子削進士以求便天下竊觀古者之制略於始而精於終使賢者易進而不肖者易犯夫易犯故易退易進故賢者衆衆賢進而不肖者易退夫何患官冗今也艱之於其始竊恐夫賢者之難進與夫不肖者之無以異也方今進退天下士大夫之權內則御史外則轉運而夫夫之間絮然而無過可任以爲吏者其實無幾且相公何不以意擢之往年吳中復在健爲一月而黜二吏中復去職而吏之以罪免者曠歲無有也雖然此特洵之所見耳天下之大則又可知矣國家法令甚嚴洵從蜀來見凡吏商者皆不征非追胥調發皆得沒天子之夫是以知天下之吏犯法者甚衆從其犯而黜之十年之後將分職之不給此其權在御史轉運而御史轉運之權實在相

公顧其易為也今四方之士會於京師口語籍籍莫不為此然
皆莫肯一言於其上誠以為近於私也洵西蜀之人方不見
用於當世辛又不復以科舉為意是以肆言於其間而可以燕
嬉伏惟相公慨然有憂天下之心征伐四國以安天子毅然立
朝以威制天下名著功遂文武並濟此其享功業之重而居富
貴之極於其平生之所望與復慊然者惟其獲天下之多士而
與之皆樂乎此可以復動其志故遂以此告其左右惟相公亮
之

上韓丞相書

同前

洵年老無聊家產破壞欲從相公乞一官職非敢望如朝廷所
以待賢後使之志得道行者但差勝於今粗可以養生遺老者
耳去歲蒙朝廷授洵試校書郎洵亦非敢少之也使朝廷過聽
而洵僥倖不過得一京官終不能如漢唐之際所以待處士者
則京官之與試校又何足分多少於其間而必為彼不為此邪

然其所以區區無厭復有求於相公者實以家貧無貲得六七千錢誠不足以贍養又况忍窮耐老望而未可得邪凡人爲官稍可以紓意快志者至京朝官始有其賜歸耳自此已下者皆勞筋苦骨摧折精神爲人所役使去僕隸無幾也然天下之士所以求之如不及得之而喜者彼誠少年將有所忍於此以待至於紓意快志者也若洵者計其年豈足以有待邪今且守選數年然後得窺尚書省門又待闕歲餘而到任幸而得免於負輶嚴放又守選又待闕如此十四五年謹守以滿七八考又幸而有幸主五六人然後敢望於改官當此之時洵蓋七十矣譬如豫章橘柚非老人所種也洵久爲布衣庶官長拘轄自覓窮骨疎強不堪爲州縣趨走拜伏小吏相公若別除一官而幸与之願得盡力就使無補亦必不至於恣睢漫漶以傷害王民也今朝廷糊名以取人保任以得官苟應格者雖屠沽不得不与何者雖欲愛惜而無由也今洵幸爲諸公所知似不甚淺而相

公尤爲有意至於一官則反覆遲疑不決者累歲嗟夫豈天下之官以洵故冗邪洵少時自處不甚卑以爲遇時得仕當不因莽及長知取仕之難遂絕意於功名而自託於李術實亦有裨而足恃自去歲以來始復讀易作易傳百餘篇此書若成則自有易以來未始有也今也亦不甚戀戀於一官如必無可推致之理亦幸明告之無使其首鼠不決欲去而遲遲也世人施恩則望報苟有以相博則叩之也易今洵已潦倒有二子又皆抗拙如洵相公豈能施此不報之恩邪相公往時爲洵言欲爲歐陽公言子者數矣而見輒忘之以爲怪洵誠懼其或有意欲收之也而復忘之故忍耻而一言不宣洵再拜

新刊 國朝二百家名賢文粹卷第七十九

新刊國朝二百家名賢文粹卷第十

書

上宰相書三

上張唐公書

孫學士巨源

久矣哉道無所用於世也古之君子不得行其道必見於言是道失而爲言也言又失也而苟治豈句玩習奇詞辨於無用察於不急是豈不重乎言而有可用猶不若道行於身言而無所用曷若不出諸口見飢者而語太牢焉豈若待下之羹哉見病者不藥之而曰吾未得藥也越人也其昧於名而不察其實人不欲學御龍而學御馬者爲所用也信往而乘於今道古而不合於世是鄙儒也鄙儒者曷足與議國家哉若其乏趣材不足以適時智不足以達變文不足以大耀勇不足以自奮而忽起躁動願當科試豈敢自同於前人哉亦其誠心竊嘗觀古今治亂之際國家得失之迹王事之艱俗化之變日夜思之至熟也當

其處來雖足跌坎窞頭抵植木而不自知也身處卑賤無路以
自達獨抱危慮孤立群衆間不圖侍臣過賜薦寵口与心計將
何報副吾君所以詳延之意哉今也持其所言白達於門下凡
五十篇皆當世之要務國家之所急欲施設者也心小而慮大
言近而辭遠雖未足盡用宜略有可行者高談唐虞其則不暇
若乃連章累句道說上去傾枯簡守空言援鑿用類稿撫詩書
則其也豈非誦數十方言矣而不以見于篇簡者是亦急所用也或
曰子之奏讀詞義太勁挺抑抗非所以求合於時也其應之曰
固也朝廷之開設科試而招來天下之士者而固欲得其言而
措之於事也豈徒使頌贊功德浮稱溢美哉彼頌贊功德者儒
林博士之職非天子所以待直言之士也夫設科本指也進使
上對退觸聞罷唯其時之所遇者而已

謝張太保撰先人墓碣書 東坡先生

秋蒙再示先人墓表特載辨數一篇恭覽涕泗不知所云竊惟

先人早歲汨沒晚乃有聞雖當時學者知師尊之然於其言議文章猶不能盡而況其中之不可形者乎所謂知之盡而信其然者舉世惟公一人雖若不幸然知我者希正老氏之所貴辨姦之始作也自軾與舍弟皆有嘆其甚矣之諫不論他人獨明公一見以為与我意合公固已誦之先朝戰之史冊今雖容有不知後世決不可沒而先人之言非公表而出之則人未必信信不信何足深計然使斯人用區區小數以欺天下天下莫寃莫知恐後世必有秦無人之歎此墓表之所以作而軾之所以流涕再拜而謝也黃叔度澹然無作郭林宗一言至今以為類子林宗於人材小大畢取所賢非一人而叔度之賢無一見於外者而後世猶信徒以林宗之重也今公之重不減林宗所賢惟先人而其心迹粗若可見其信於後世必矣多言何益為謝

聊叢三

上王荊公書

西塘先生

俠惶恐百拜上啟。又館相公先生仲冬凝寒伏惟鈞候動止。萬福。俠於眠食相望。盛德中忽前日一得拜塵馬首。瞻望光采。伏蒙先生存問。撫恤惻然之誠。達於顏面。蓋進而欣欣退而怏怏。以自尤恨者數日。不釋以浮光不遠千里而來。以爲日得待立先生几杖之下。問疑辨惑。庶幾於古人道李有以到其二耳。今則如此。非命而何。日惟力輔大政。取頽綱漏目於其已敗壞而振起之。盛大之業。而日月相爲照耀矣。哉。俠無助於門下者。出而門。苟園轡不許出入。是以先生之言。先生之庭。無俠之迹。獨不以此爲懼。罪於門下者。以先生所以遇俠之厚。不在於此也。他人之李於先生者。文章辭語進退李蹈之間。故其爲功易而取效速。俠所欲李者。李先生之所難李。非文章辭語進退李蹈所可到者。既不自量其力。又不得親炙於前。是以久而未獲勞而無功。夫先生之文章辭語進退李蹈皆先生所自裁抑而用中於民者。豈有異於人哉。此其久人所可得見而

易學以求合者乃若先生所以異於人者不過若黍米大而圓
明瑩衛上可以通高天下可以達厚地而旁無四方此人人所
不可見而難求以合者子貢曰夫子之文章可得而聞也夫子
之言性与天道不可得而聞也子貢所見於孔子者如此已爲
不可得而聞況於行之台於性與道求之於黍米又不可得而
著是以窮高極深綿亘四方以廣大也是豈夫趨利亡義乘勢
爭使其心不得以少息之人所可得而幸哉今先生當大任秉
大政天下之事惟所至天下之才惟所任若器之方圓無不適
其用所以總統綱目若所謂提筆其事者察訪某事者鈐轄某
事者皆君相所寄且目腹心於是人者先生亦以其不可易見
而苟合者求其人無以其文章辭語進退牽蹈之苟与我同者
便以爲其人真与我同一付之權任雖先生之子弟不得一言
以間其毫髮誠見於先生不能無誤也使每見朝廷幸一令新
一事未嘗不与三代堯舜同其仁凡命令之初下士民稍有識

者莫不欣驩鼓舞以爲真得利民之術而太平可坐致也及行之未幾往往敗壞民吏厭苦至於墮眉蹙額而後道良以貪繆之人急功而要利督促以成就而不念民之休戚勢之緩急可否使君相雖有利民拯物之心与夫至美至善之法不可以久行豈其苟幸以求合於先生者其事系於面目聲音笑負之間其心乃無廉恥暴戾而貪忍曾不若禽獸者先生亦不得而尽知也耶俠請試爲先生呈法之至美至善而貪繆之人所以敗之者先生不必目自見而後可以盡知其不爲便且如青苗一事是法之美而善之至者也始其於浮光爲見朝廷議行其事固嘗与民吏士大夫辨其爲利矣其稍有知識者亦莫不与某訂議而稱善及行之暮年則可厭矣何哉青苗之法本以民之窮乏常以新陳不接之際每倍其息以貸於人故官爲出常平錢以貸之而只取二分之息所以抑兼并而蘇貧乏莫善於此然民之闕乏而至於借貸於人者天下固常平矣而稍稍溫煖

能儉克勤苦以自足而無所取資於人者亦常半吾之心果在利民非有取其利於民皆聽其自來而与之法不曰召人情願請耳及貪暴之吏急於散而取資則曰某縣為民若干散必若干不然者劾奏而令佐亟於承命以求知於其上又巧以強与若某鄉某里某人不請則旬月之下必有他禍者且不可解及其催納之際亦莫不然則盡一州一縣之民無有不請青苗者是曩之果貧無非借貸而能自足者也是法雖聽其情願其實強而与之者常半至於收成之際又不稍緩其期穀米未及乾促之已急而賤糶於市則曩之利十今不售其五六質錢於坊郭則莫之与甚者至於無衣褐之可質是法所以蘇貧乏而反困之抑兼并而反助之矣夫如是宜其無知者便謂青苗為不善不知貪暴之吏壞之也至於免役一事比之青苗又其善者國家以民之勞於從事而破壞質產以陪備公上且無分限故每歲令出免役錢比之舊所費百不及一官以其所入為雇

游手之民以充役而游惰之民又得食其力於公上謂此法爲不美是天下無良法矣某始見此法欲行因以其比之青苗爲最善今聞貪暴之吏校民之產有數其掾之多少而量其長短計其牛羊犬馬雞豚狗彘鐵爐茶坊獸置魚箔食器罷具莫不估價出錢以助役使不知朝廷以收到免役錢除每歲雇募工役調給官貧得替赴任人工及津置綱運外其錢更欲作何支用而取之如此其細且悉周且盡略無矜哀惻怛之心以及夫無衣褐饘粥者是又貪縻之吏壞之之驗也凡此皆俠所目見耳聞君相所不得而見聞者姑容其如此若聖君冕旒之下先生聰明之前亦有如此者豈有簪簡滿目便無一人是忠義之士略不以間左右哉誠以先生所以信任者既以爲其人實與我同則彼推赤誠如血其言必不見聽且如府司免行錢是與免役錢不異其善如是以俠之愚以爲朝廷知其善而率之以利民爲心則宜較其所費之多少令舊行之最豪太者不過出

每歲陪費之半已見大濟而令其舊行之貧弱者一例免放可
矣必不得已而使之出錢宜亦欣然聞命今者令細民並相糾
告不以舊習係行籍徇持一物而賣於市者莫不出免行錢至
於麻鞋頭駿茶坊小鋪皆朝夕營營以急外米束柴而不賒者
今無不勒出錢以爲免行則彼舊非在行何免之有何以爲寬
民之力哉又如門司商稅院舉用倉法取商人舊來行用之半
以給公人食料等錢及公用事雖至小其於通利商旅往來爲
美利固不細公人輩既用倉法不得乞覓安有不收之稅使以
爲此法既行爲上之人便當寬察諸門及在務苛細不務寬大
底事今乃使公人輩多方搜索內外嗟厭得提率市易務司劄
子令不得非理解并客人車仗三司薛公懲誠其一二方稍敢
歛四方商旅士民出入者靡不欣快而歌道之又擘畫一貫以
下稅錢不以是何名色盡令在門收稅五七月間徒見稅額增
羨豈意前者以增羨獲賞後者更加嚴峻日務增一日月務增

一月人務增一人至於剝削根究唯務盡稅則前日之事無復存而法又將可厭而壞矣且如倉法立條只爲饒潤客旅耳法未可行時諸門入務之物皆役大商其人自不以些少稅錢冒犯公法准小商及火下在明處重之物十或饒其三四亦有以價輕稅重不得不饒者實所以寬夫天民之窮餓以宣設君相之仁而使之知君相所以直其等於諸門如此而已故倉法未行如此既行之後亦如此偶以本門有稅長連紙者其額每一工統錢五十足攔頭輩以爲務例每一千收千五百張稅錢自取條貫遍檢照此條取則例檢之又無以其無條例遂不敢行抵令依修每一千張收錢五十足不知舊時紙在院稅時尽於稅院左右貨賣諸處紙鋪盡往彼收買及於諸門收稅則客人就便盡得貨賣紙鋪有姓劉者舊時稅院前賣紙主人也以不得賣紙遂以此告本門不合只將姓丁人紙輩各禁繫五六日糾詰近且有永泰門以大商火下有些少物在門收稅簿有饒

者自九月二十七日禁製至今未經了絕則諸門並無一文敢
擅行饒耀是見之無不收收之無不盡惡在其爲寬恤哉今試
言壞法之處且如木炭未行倉法時每駄稅錢三十五文今收三
十五文香附子每擔收錢十五文今一擔稅錢四十文黃蘗中
帽帶一領只賣一百文以下錢本額稅錢二十文舊爲如此每
五領收一領豈敢復饒其餘屨重如此之物不可勝數又市利
錢舊系務納者所收不及十文亦收十文則是半斤斤祇稅四
文却收市利錢八文他皆類此天寒氣凜旦晚遇有貧窮者忍
惜得些少如此等物或時只據在身所有錢數便與收納今者
盡收不免勤令脫衫褲以質當於人以納稅錢人又不肯解
典之者往往嗟泣歎誠有所不忍視者其每每爲出稅錢放
令前去嗚呼爲民父母而使如此惡在其爲民父母哉此又聖
君冕旒之下賢相聰明之前貪暴之吏敗壞良法之明驗以夫
冕旒之下聰明之前便有如此事安知四城門之外九州四海

之遠其無剝衣解襦質重賣子而咨嗟涕洟使人有不忍視者哉今湖北用兵自去年供運至今不休不知其費用幾許千億而鳩聚三五万人以攻二三千之溪蠻果犯義不順以吾中國之仁義主兵者哉夫以二三千之溪蠻果犯義不順以吾中國之仁義主上之明聖宗廟社稷之神靈誠得一忠義博厚之良將不過率三五百敢死之士人持外討之狼操挺以臨之則區區之蠻可在掌握誅其一不義首領而餘黨相率請吏於天子矣今其般運天休以聚人無窮數調湖曲數州之民使之不聊生不知果有大於此者又將如何想其妾心只欲勒功彝鼎略無羞赧愧耻之色宜其非議怨謗道路若欬無化實貪謬之吏壞之如此不可不思念也今歲蝗旱深冬無雨雪亦怨嗟之氣結聚而為此先生誠得一腹心之人以其所存如先生二者使之秉天下貧窮凍餒實無可出助役錢者削其籍與夫猶能自足而不願膏苗而官司強與之者吐而去之府司舊非係行而出錢者

一勿放免商稅務如有透漏商旅只得一日內斷違不得非理
寄禁如事有會問交加亦不得出三日重其罰其餘諸
司亦有如此可立便違者如之而令諸門所餽放稅錢實貧
困非入商賈有勢之家所饒不及五十文以上者不得於商稅
院收稅錢收稅之限不及一百者與免市利錢此何患法不久
行行之民不得利甚幸非足以知天人之際以夫詩書所道如
此固足使夫和氣充塞時和歲稔甘露瑞雪時降矣書曰不惟
德罔小萬邦惟慶亦惟不德罔大墜厥宗誠以天子之德無小
一人有德而萬邦賴其慶矣天子之不德無大一人向隅而泣
則天子之德有所損損而不已則有墜宗之事矣天下之慶在
天子天子之舉在先生豈有聞此而不動心哉伏惟所賜聽察
則萬姓幸甚

新刊 國朝 百家名賢文粹卷第六十